

Član 34.

(Uklanjanje divljih životinja s javnih površina)

- (1) Hvatanje i postupanje sa divljom životinjom koja se uklanja s javne površine vrši se u skladu s propisima o zaštiti životinja, zaštiti prirode i veterinarstvu, te uz primjenu odgovarajuće opreme i sredstava za pojedinu vrstu životinje.
- (2) Uхваćena divlja životinja iz stava (1) ovog člana odmah po hvatanju vraća se u svoje prirodno stanište i to tako što higijenski servis u saradnji s najbližim lovačkim društvom predaje životinju najbližem korisniku lovišta, osim u slučaju da je uхваćena divlja životinja za koju postoji opravdana sumnja da je opasna za širenje zaraznih bolesti s kojom se postupa u skladu s članom 14. stav (1) tačka c) Zakona o zaštiti i dobrobiti životinja ("Službeni glasnik Bosne i Hercegovine", broj 25/09).
- (3) Troškove hvatanja divlje životinje od higijenskog servisa snosi korisnik lovišta u koje je životinja vraćena.
- (4) Ako divlju životinju nije moguće vratiti u lovište, a ne radi se o slučaju iz stava (2) ovog člana, životinja će se smjestiti u najbliži zoološki vrt, ako je to moguće. Ako se divlja životinja ne može smjestiti ni u zoološki vrt, ona se usmrćuje.

IV – NADZOR

Član 35.

(Inspeksijski nadzor)

- (1) Inspeksijski nadzor nad provođenjem odredbi ovog pravilnika vrše veterinarski inspektori Kantona Sarajevo i općina sa područja Kantona Sarajevo, svako u okviru svoje nadležnosti.
- (2) Subjekt nadležan za poslove upravljanja i održavanja zajedničkih dijelova i uređaja zgrade vrši kontrolu nad provođenjem člana 10. ovog pravilnika i o istom obavještava kantonalnog odnosno općinskog veterinarskog inspektora.

Član 36.

(Izmještanje životinje ili uklanjanje objekta za smještaj)

Nadležni inspektor može naložiti izmještanje životinje ili uklanjanje objekta za smještaj imaoču životinje ili da se putem higijenskog servisa odnosno putem javnog komunalnog preduzeća isto izvrši, o trošku imaoča životinje, ako se oni drže protivno ovom pravilniku, a ne postoji mogućnost da se njihovo držanje uskladi sa ovim pravilnikom ili ako imalac životinje ne otkloni, u ostavljenom roku, rješenjem inspektora utvrđene nedostatke.

Član 37.

(Postupanje drugih organa)

U slučaju kada veterinarski inspektor smatra da nije ovlašten postupati ili ako smatra da je svrsishodnije da postupi drugi nadležni organ (npr. komunalni inspektor u skladu sa propisima o komunalnoj čistoći, policijski organ u skladu sa propisima o javnom redu i miru) bez odlaganja će, u pismenoj formi ili usmenoj formi, uz sačinjavanje službene zabilješke obavijestiti drugi nadležni organ o saznanjima koja ima radi postupanja tog organa.

V – KAZNE ODREDBE

Član 38.

(Kaznene odredbe iz Zakona o veterinarstvu)

Za nepostupanje u skladu sa odredbama ovog pravilnika primjenjuju se odgovarajuće kaznene odredbe iz Zakona o veterinarstvu ("Službene novine Federacije BiH", broj 46/00) i to iz čl. 144. i 145. navedenog zakona.

VI – PRELAZNE I ZAVRŠNE ODREDBE

Član 39.

(Obaveza jedinica lokalne samouprave)

Jedinice lokalne samouprave na području Kantona Sarajevo dužne su da u roku od 90 dana od dana stupanja na snagu ovog pravilnika usklade svoje propise sa ovim pravilnikom.

Član 40.

(Stupanje na snagu i početak primjene)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo", a početak će se primjenjivati po isteku roka od 90 dana od dana njegovog stupanja na snagu.

Broj 07-05-20-34743/22

06. marta 2023. godine

Sarajevo

Ministar

Adnan Delić, s. r.

Ministarstvo saobraćaja Kantona Sarajevo

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12 i 39/16), ministar saobraćaja Kantona Sarajevo, uz saglasnost Vlade Kantona Sarajevo, donosi

PRAVILNIK

O DOPUNI PRAVILNIKA O UNUTRAŠNJOJ
ORGANIZACIJI MINISTARSTVA SAOBRAĆAJA
KANTONA SARAJEVO

Član 1.

(Dopuna člana 81a.)

U Pravilniku o unutrašnjoj organizaciji Ministarstva saobraćaja Kantona Sarajevo, br. 04- 34-39863/19 od 15.01.2020. godine, 04-23-33215/20 od 01.09.2020. godine i 04-04-20679/22 od 02.06.2022. godine (u daljem tekstu: Pravilnik), u članu 81a.) u stavu (4) iza riječi: "arhitektonski fakultet", dodaju se riječi: "ili građevinski fakultet".

Član 2.

(Ostale odredbe Pravilnika)

Ostale odredbe Pravilnika koje nisu izmijenjene ovim Pravilnikom ostaju na snazi.

Član 3.

(Stupanje na snagu Pravilnika)

Ovaj Pravilnik stupa na snagu danom dobijanja saglasnosti od strane Vlade Kantona Sarajevo i objaviti će se u "Službenim novinama Kantona Sarajevo".

Broj 04-04-20679/22

22. jula 2022. godine

Sarajevo

Ministar

Adnan Šteta, s. r.